



Broj predmeta: 13-001222/21
Broj akta: 01.1-1413EK-0084/21
Datum, 22.10.2021.. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 22/18 -- prečišćen tekst, 49/18, 08/19, 10/19 i 32/19), u skladu s članom 69. stav (2) tačka d) Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda sa preporukom komisije za javne nabavke broj:13-001222/21 od 8.10.2021. godine, gradonačelnik Brčko distrikta BiH d o n o s i

ODLUKU O PONIŠTENJU POSTUPKA JAVNE NABAVKE

Član 1

Poništava se otvoreni postupak za Lot 16 – Nabavka računara i računarske opreme za potrebe Pododjeljenja za privredni razvoj iz provedenog postupka za nabavku računara, računarske i srodne uredske opreme za potrebe odjeljenja Vlade i institucija Brčko distrikta BiH – 1/2021, koji je pokrenut na osnovu Odluke o pokretanju postupka javne nabavke broj: 13-001222/21 od 28.6.2021. godine, Obavještenja o nabavci na portalu javnih nabavki broj: 1157-1-1-311-3-321/21 od 30.6.2021. godine, ispravke Obavještenja o nabavci broj: 1157-1-1-311-8-382/21 od 23.7.2021. godine, ispravke Obavještenja o nabavci broj:1157-1-1-311-8-417/21 od 12.8.2021. godine, specifikacije roba u vezi sa Tenderskom dokumentacijom broj: 13-001222/21, iz razloga što nijedna od primljenih ponuda nije prihvatljiva, što prema čl. 69. stav (2), tačka d) Zakona o javnim nabavkama predstavlja osnov za poništenje postupka javne nabavke.

Obrazloženje

Komisija za nabavke je nakon izvršenog otvaranja ponuda konstatovala da je dostavljeno deset ponuda, sljedećih ponuđača: „Energoinvest SUE“ d.d. Sarajevo, „Elur“ d.o.o. Kiseljak, „Neutrino“ d.o.o. Tuzla, „Inter-com“ d.o.o. Zenica, „Facit“ d.o.o. Sarajevo, „Zerick“ d.o.o. Sarajevo, „Copitrade“ d.o.o. Bijeljina, „Network I“ d.o.o. Brčko i „Intec“ d.o.o. Brčko. Sastavni dio odluke čini zapisnik sa otvaranja ponuda, zapisnik o izvršenoj analizi dostavljenih ponuda i izvještaj o toku i završetku e-aukcije. Komisija je izvršila analizu dostavljenih ponuda u pogledu prihvatljivosti prema obliku, sadržaju i potpunosti, te u pogledu načina pripreme i dostave ponuda i ustanovila da su sve dostavljene ponude prihvatljive osim ponuda ponuđača koji nisu ponudili uređaje u skladu sa zahtjevima iz tehničkih specifikacija i ponuđača koji su dostavili ponude na starim neizmijenjenim, tehničkim specifikacijama/obrascu za cijenu ponude. Svi ponuđači su ocijenjeni kvalifikovanim osim ponuđača koji nisu ponudili uređaje u skladu sa zahtjevima iz tehničkih specifikacija i ponuđača koji su dostavili ponude na starim, neizmijenjenim tehničkim specifikacijama/obrascu za cijenu ponude. Ponude su ocijenjene kao prihvatljive jer su bile u skladu sa zahtjevima iz tehničkih specifikacija osim u slučajevima kako je to navedeno u stručnom mišljenju koje je komisija i prihvatila. Izvršena je računaska kontrola i utvrđeno je postojanje računске greške u ponudi ponuđača „Intec“ d.o.o. Brčko za Lot 14 i „Network I“ d.o.o. Bijeljina za lotove 4 i 28, koji su dostavili saglasnost za ispravku. Nisu postojali elementi za sumnju u neprirodno nisku cijenu ponude. Izvršena je e-aukcija i komisija je izvršila analizu ponuda na svim lotovima u odnosu na procijenjenu vrijednost nabavke i ustanovila da je na Lot-29 veća ponuda u

odnosu na procijenjenu vrijednost nabavke. Odjeljenje za obrazovanje se izjasnilo da se može nastaviti sa postupkom nabavke jer imaju na raspolaganju sredstva za finansiranje navedenog lota. Komisija je ustanovila da za Lot 16 nijedna od primljenih ponuda nije prihvatljiva jer nije bila u skladu sa tehničkim specifikacijama i zahtijevanim grafičkim kartama pa je dostavljena preporuka o poništenju postupka za Lot 16. Komisija za nabavke je dostavila preporuku o izboru najpovoljnijih ponuđača.

.POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjelu za javne nabavke,
2. Odjeljenju za privredni razvoj, sport i kulturu
Pododjeljenju za privredni razvoj,
3. Gradonačelniku,
4. Zamjeniku gradonačelnika
5. Službenom glasniku Brčko distrikta BiH“
6. Arhivi.

